

ქეთევან ჯიშიაშვილი
(საქართველო, თბილისი)

**პარადიგმის ცვლილება და ახალი ფანტასტიკური რომანი
(ადოლფო ბიონი კასარესის „მორელის გამოგონება“)**

ადოლფო ბიონი კასარესის სახელი საერთაშორისო ლიტერატურათმცოდნეობაში ფანტასტიკური ჟანრის ახლებურ გააზრებას უკავშირდება. უანრული სიახლეებისთვის თეორიული საფუძველი იკვეთება ბორხესის წინასიტყვაობაში, რომელიც კასარესის რომანს „მორელის გამოგონებას“ უძღვის წინ (კასარესი 2011: 3). ბორხესი კასარესის ნაწარმოებს „სრულყოფილ რომანს“ უწოდებს და მას ესპანურენოვან ლიტერატურაში ახალი ფანტასტიკური ჟანრის დასაწყისად მიიჩნევს. 1940 წელს დაწერილი წინასიტყვაობა ეპოქის პარადიგმის ცვლილებას ეხმიანება და ერთგვარი ლიტერატურული მანიფესტის სახეს იძენს (ლიტერატურული ანალიზისა და თეორეტიზირებისათვის ბორხესი ხშირად იყენებს წინასიტყვაობის ფორმატს).

ნაწარმოების ნოვატორულ არსა და ისტორიულ მნიშვნელობას ბორხესი ფანტასტიკური ჟანრის ლიტერატურული ტრადიციის კონტექსტში განიხილავს: საყოველთაოდ გაზიარებული მოსაზრების თანახმად, ფანტასტიკური რომანი რეალისტურ რომანს უპირისპირდება – ანუ რომანს, რომლის კლასიკური გავებაც რეალური-ირეალურის (უცნაურის) ოპოზიციას გულისხმობს. პირველ შემთხვევაში ლიტერატურული ფიქცია რეალობის იმიტაციას, მის მოდელირებასა და პრობლემატიზებას ეფუძნება. ფანტასტიკური ლიტერატურა კი, პირიქით, ისეთ ნარატიულ სტრუქტურებს იყენებს, სადაც სამყაროს ისტორიულ-კულტურული მოდელის ტოპოგრაფიული და ნორმატიული საზღვრები დარღვეულია (ლოტმანი 1970: 50). ცხადია, ამგვარი განსაზღვრება ითვალისწინებს, რომ ნორმისა და ლიმიტის ცნება განსხვავებულია სხვადასხვა კულტურასა და ეპოქაში. ამ განსაზღვრების თანახმად, რეალობის კანონზომიერებების, სამყაროს კანონების დარღვევა ფანტასტიკად მიიჩნევა, ანუ ყოველდღიურობაში პერსონაჟები აწყდებიან მოვლენებს, რომელთა ბუნება შორდება ჩვეული რეალობის საზღვრებს.

ბორხესის ნარატოლოგიური კრიტერიუმები ეფუძნება განსხვავებებსა ამ ორი ტიპის რომანს შორის: „პირველ რიგში, უნდა გვახსოვდეს, რომ სათავევადასავლო რომანი (შევეცდები მსჯელობისას პარადიქსულობის მნიშვნელობა არც გავაზვიადო და არც ზედმეტად დავაკინონ) გვერდს ვერ აუვლის ჟანრისთვის დამახასიათებელ სიუჟეტურ პრინციპებს, მაშინ, როცა ფსიქოლოგიურ რომანს ერთგვარი უფორ-მობა ახასიათებს. რუსებმა და მათმა მიმდევრებმა ასეთი მაგალითები უხვად გვიჩვენეს და დაამტკიცეს, რომ შეუძლებელი მართლაც არაფერია. მათ წიგნებში თვითმკვლელობები ბედნიერების მოსაპოვებლად ხდება, მკვლელობები კი კეთილშობილების გამო. ადამიანები ისე აღმერთებენ ერთმანეთს, რომ ერთად აღარ დაედგომებათ, დასმენების მიზეზი კი, თურმე, მათი სიამაყე და მორჩილებაა. ამგვარი უსაზღვრო თავისუფლება საბოლოოდ შეიძლება განუკითხაობაში გადაიზარდოს. მეორე მხრივ, ფსიქოლოგიური რომანი მიიღლულის „რეალურობისკენ“, ცდილობს

დაგვავიწყოს თავისი ენის ხელოვნურობა და პედანტური სიზუსტის, ზოგჯერ კი მსუბუქი დაუდევრობის გამოყენებით ამაოდ ცდილობს დამაჯერებლობის იღუზია შექმნას“ (კასარესი 2011: 4)

ბორხესის ეს მსჯელობა ფსიქოლოგიურ ინტელექტზე აგებულ რეალობის ამ-სახველ აღნერილობით რომანს ეხება. მეორე მხარეს მწერალი ახალ ფანტასტიკურ რომანს, „მორელის გამოგონებას“ ათავსებს, რომელსაც სათავგადასავლო რომა-ნის სახელწოდებით მოიხსენიებს. ბორხესის შეფასებით, ავტორი არ მიმართავს რე-ალობის აღნერას, არამედ თავად ქმნის ახალ „ხელოვნურ ქმნილებას“, სადაც არაფე-რია დაუსაბუთებელი/დაუჯერებელი. იგი ტრადიციულ მიმესისს ბოდრიარისე-ული სიმულაციით ანაცვლებს.

„მორელის გამოგონება“ სცილდება ფანტასტიკურის ტრადიციულ გაგებას, პირველ რიგში იმით, რომ ავტორი უარს ამბობს მიმესისზე არისტოტელური გაგე-ბით და შესაბამისად, გარეშე რეფერენტებზე, მათ შორის, რეალობაზე, რაც ტრა-დიციული ფანტასტიკისთვისაა დამახასიათებელი. საქმე გვაქვს ისეთ რეფერენ-ციისთან, რომლის დროსაც რეალური-ზებუნებრივის ოპოზიციურ წყვილში „რე-ალური“ ჩანაცვლებულია ლიტერატურულ-ინტელექტუალური მუშაობით, ე.წ. „არგუმენტირებული წარმოსახვით“. ბორხესისეული ლიტერატურული კონცეპტი – „ხელოვნური ქმნილება“ – მიანიშნებს, რომ საქმე გვაქვს არა იმიტაციისთან, არამედ სრულიად ახალ სამყაროსთან. ბორხესი ამ ახალ სამყაროს ლინგვისტურ კონსტრუქციად („ვერბალური ოსტატობა“) მიიჩნევს, რომელიც ავტორეფერენ-ტულია და მხოლოდ საკუთარ კანონებს ემორჩილება. ბორხესი ასევე ხაზს უსვამს, რომ ამ ტიპის სათავგადასავლო ნარატივს დამაჯერებლობასთან ერთად არ აკლია არც აზარტი, არც მოვლენათა მრავალფეროვნება, რაც კარგად ჩანს ისეთ რო-მანებში, როგორიცაა „სინდბადი“, „დონ კიხოტი“. ეს პერიპეტიები წმინდა ლიტე-რატურული კანონებით იმართება, თავგადასავალი ლიტერატურულია და არა სიუჟეტური. ამიტომ, ტერმინი „ფანტასტიკური ლიტერატურა“ უტოლდება ტერმინ „ლიტერატურულობას“, სადაც ახალი ვირტუალური და სიმულირებული სამყაროა შექმნილი. „შეგვეძლო გვეთქვა, რომ ფანტასტიკური ლიტერატურა თითქმის ტავ-ტოლოგიაა, რადგან ყველა ლიტერატურა ფანტასტიკურია. (...)“. „დონ კიხოტის“ მე-ორე ნაწილი ცალსახად ფანტასტიკურია; მხოლოდ ის ფაქტი, რომ მეორე ნაწილის პერსონაჟებს ნაკითხული აქვთ პირველი, ჯადოსნურის განცდას ბადებს, ან ჩვენ შევიგრძნობთ მას, როგორც ჯადოსნურს“ (ბორხესი 1985:18).

საგანგებოდ კონსტრუირებული, ანყობილი ლიტერატურა აუთვისებელი ტერი-ტორიის ათვისებისა და საზღვრების გაფართოების პოტენციალს ატარებს. ბორხე-სის მიერ ახალ ფანტასტიკურ რომანად დასახელებული „მორელის გამოგონება“ საგანგებო ანალიზს მოითხოვს როგორც ნარატივის თეორიის, ასევე მისი განხორ-ციელების პრაქტიკული ხერხების თვალსაზრისით, როგორც სიახლის, ასევე მომა-ვალი განვითარების ჭრილში. საყურადღებოა, რომ „მორელის გამოგონებას“, რო-მელსაც ესპანურენოვან ლიტერატურაში ანალოგი არ მოექცება, ლიტერატურის ისტორიკოსები ხშირად ლათინოამერიკული „პუმის“ მომასწავებელ პირველ რო-მანად ასახელებენ. კასარესის მხატვრული ხერხები საინტერესოა ისტორიულ

ჭრილშიც: მათი აღმოჩენა და განვითარება 50-60-იან წლებში ჯგუფ Nouveau Roman-სა და Tel Quel-ს უკავშირდება. მოგვიანებით, პოსტმოდერნულ ლიტერატურა-ში ხშირად გვხვდება თანხვედრა კასარესის მხატვრულ მსოფლმხედველობასა და მხატვრულ სტილისტიკასთან.

ადოლფო ბიოი კასარესი რომანისთვის დღიურის ფორმატს ირჩევს. მასში უკაცრიელ კუნძულზე კარაკასიდან გამოქცეული სიკვდილმისჯილის უცნაური თავგადასავალია აღწერილი. მთვარი გმირი მოუღოდნელად აღმოაჩენს, რომ კუნძულზე მასთან ერთად ადამიანებიც იმყოფებიან, თუმცა, მალევე აცნობიერებს, რომ ხალხი, რომელიც ლანდებივით ჩნდება კუნძულის სხვადასხვა ნაწილში, ნამდვილი ადამიანები კი არა, მათი ვირტუალური გამოსახულებები – ასლები არიან, რომელთა „დედნები“ დიდი ხნის წინ გარდაიცვალნენ. რეალურ სივრცეში მათი პროეცირება ერთ-ერთი მათგანის – მეცნიერ მორელის – მიერ გამოგონილი აპარატის მეშვეობით ხდება შესაძლებელი. ეს უცნაური მოწყობილობა ზღვის მოქცევების ენერგიით მუშაობს და ამიტომ განუწყვეტლივ, კინოპროექტორის მსგავსად, უშვებს წინასწარ ჩაწერილ ადამიანთა მოქმედებებს. მთხობელისთვის ეს აღმოჩენა განსაკუთრებით თავზარდამცემია, რადგან მას უყვარდება ერთ-ერთი ქალის გამოსახულება – ფაუსტინა (სწორედ ის არის მორელის გამოგონების შთაგონების წყაროც). საბოლოოდ, მთავარი გმირი შეისწავლის აპარატის მექანიზმს, გადაიღებს საკუთარ თავს და მისთვის სასურველი სცენარით ჩამონატაჟებს მას დანარჩენ გამოსახულებებსა და ფაუსტინასთან ერთად, რათა ამგვარად საყვარელ ქალთან ერთად უკვდავება მოიპოვოს, მაგრამ ამისთვის მას სიცოცხლის დათმობა უწევს, რადგან ვისაც აპარატი გადაიღებს, ის აუცილებლად კვდება.

საკმაოდ ორიგინალური სიუჟეტი ორი ძირითადი თემის – უკვდავებისა და ხელოვნების – ირგვლივ იკვრება. ახალი კულტურული პარადიგმა და ტექნოლოგიური პროგრესი ადამიანის შემოქმედებითი შესაძლებლობების მოსინჯვასა და ტექნოლოგიის ძლევამოსილების იდეებს წამოსწევს წინ, ამასთან, ხელოვნების საზღვრებს აფართოებს და ადამიანს დროისა და სივრცის ახლებური გადააზრებისკენ უბიძებებს. ამ რეალობით ნასაზრდოები მეტაფიზიკურ იდეათა ჯაჭვი ბიოი კასარესის შთაგონებისა და ფილოსოფიური განაალიზების საგანი ხდება. როგორც იგი აღნიშნავს, მისი ლიტერატურა ინტელექტუალური მკითხველისთვის განკუთვნილი მეტაფიზიკურ ფანტაზიაა საკუთრივ მათვის, ვინც ფილოსოფია თითქმის პროფესიონალის დონეზე იცის, რადგან ახალი ჟანრი ახალი ტიპის მკითხველს საჭიროებს (კასარესი 1996: 14).

ამ კონტექსტში განსაკუთრებულ ინტერესს იწვევს ასლისა და დედნის ურთიერთმიმართება. „მორელის გამოგონებაში“ არაერთხელ ვაწყდებით განმეორებულ, სარკისებულად არეკლილ და გამრავლებულ ქმედებებსა და მიმართებებს არა მხოლოდ შინაარსის, არამედ ფორმის დონეზეც. მაგალითად, გამოგონება/შემოქმედების თემა მხოლოდ მორელის პერსონაჟით არ შემოიფარგლება, იგი სარკისებულად მეორდება მთავარ გმირსა და სხვა პერსონაჟებში (მაგ. ვინმე კლოდი, რომელიც ასევე უკვდავების თემაზე მუშაობს). მორელი გამომგონებელია, ღმერთის ანალოგი და მეტოქეა. თავის მხრივ, მორელის მეტოქე და დამოუკიდებელი

შემოქმედია მთავარი გმირიც, რომელიც მორელის აპარატს საკუთარი უკვდავების მისაღწევად იყენებს. სარკისებულად ირეკლება გამომგონებლისა და მთხოვობელის ბედისწერაც. ორივე მათგანი ფაუსტინას სიყვარულითაა შთაგონებული. მორელი ფოტოგრაფიული აპარატის მეშვეობით სიცოცხლის ახალ, ქვაზი ფორმას ქმნის, რათა მარადისობაში საყვარელ ქალთან ერთად სამოთხეში გააგრძელოს ცხოვრება. იგივე გზას გადის მთხოვობელიც და ამასთან, მორელის ჩანაწერების მსგავსად, თავადაც გვიტოვებს დღიურს, ანუ „მორელის გამოგონებას“ (რომანის სახელწოდება ორმაგადაა კოდირებული: სათაურში, ერთი მხრივ, მორელის მიერ გამოგონილი აპარატი შეიძლება ვიგულისხმოთ, მეორე მხრივ კი, იგი თავად მორელის, როგორც პერსონაჟის, შექმნას შეიძლება მიანიშნებდეს).

სარკის კონცეპტი, რომელიც მოგვიანებით პოსტმოდერნულ ლიტერატურაში მნიშვნელოვან ადგილს იკავებს, კასარესისეული „ფანტასტიკურობის“ ერთ-ერთი მთავარი კომპონენტია. მისი გააქტიურება მიმესისური ლიტერატურატურის სიკვდილსა და ინტერტექსტუალობას (ლიტერატურულ მიმესის) უკავშირდება. ინტერტექსტუალობა, რომელიც მოგვიანებით პოსტმოდერნული ლიტერატურის სტილურ ნიშანად ყალიბდება, თვალსაჩინო ადგილს იკავებს ბიო კასარესის რომანშიც. ავტორი ლიტერატურულ მასალას ისეთ სიბრტყეზე განათავსებს, რომ მას აუცილებლად მიჰყავხარ სტივენსონის, უელსის, კაფკას ტექსტებთან. ბორხესისის-თვის ყოველი წიგნი ერთდროულად ნიშანიცაა და სარკეც, რომელიც უსასრულო იდეის განხორცილებას ცდილობენ ბორხესი და კასარესი სხვაგანაც, კერძოდ, ერთობლივი ავტორობით შექმნილ „მოკლე და უცნაურ მოთხოვობებში“. მოთხოვობათა ეს კრებული თავადაა სარკე, რომელშიც ცნობილი წიგნებია არეკლილი დამატებითი ანოტაციის, წარმოსახვითი გაგრძელების ან ავტორთა მიერ გამოგონილი წიგნების სახით. ბორხესისთვის სარკე ნიღბებისა და სახეების უსასრულო ზედდებაა. ხატები გამუდმებით ბუნდოვანდება, იშლება და ენაცვლება ერთმანეთს, რაც, საბოლოოდ, ერთადერთ სახეს ქმნის. ამ იდეას ეძღვნება ბორხესისა და კასარესის მოთხოვობა „მონმე“. ქუჩაში მიმავალი ტრამვაის ვიბრაციისას რელიგიურ სიმბოლიკასთან დაკავშირებული წარმოსახვითი ხატები ერთმანეთში გადაიზრდება და ერთ შემზარავ სახედ ყალიბდება. ამ სახეთა მახინჯი ზედდება საბოლოოდ პატარა გოგონას სიკვდილის მიზეზი ხდება.

ბიო კასარესთან სარკეების სამყარო უფრო მშვენიერია, ვიდრე ბორხესთან. სარკეები მასთან სიმულაციის, ვირტუალობის შექმნის ადგილია. არეკლილი მატერია სცდება ასლის სტატუსს და დამოუკიდებელი ხდება. თუმცა ანარეკლი სიცოცხლეს მხოლოდ იმ შემთხვევაში იძენს, თუკი მას გარედან უყურებენ. კასარესისთვის პროექცია მიმესისი და იმიტაცია კი არ არის, არამედ უკვე არსებულის გაგრძელებაა. ეს არის არსებობა სხვა შესაძლებლობასა და ფორმაში. სარკეები არ ამრავლებენ და არ ავრცელებენ, როგორც ამას ბორხესი ხედავს, არამედ ჰიპერრეალობას ქმნიან. ეს მეტაფორა ასახულია რომანშიც: სარკეები და ფილმის გაშვება განხილულია როგორც უნიკალური საშუალება, შექმნას, ანუ „აენცოს“ ხელოვნების ნიმუში, რომელიც, თავის მხრივ, აბსოლუტური და ავტონომიურია.

ქმნილების დამოუკიდებელი სიცოცხლის შესაძლებლობას კასარესი მეტა-ტექსტუალური სტრატეგიის მეშვეობით ახორციელებს. ამ ლიტერატურული ხერ-ხით შემოქმედი მაქსიმალურად დისტანცირდება ნაწარმოებისგან და დამაჯერებ-ლობასა და ავტონომიურობას ანიჭებს ფანტასტიკურ სიუჟეტს. ასე, მაგალითად, ანონიმური „მე მთხოვბელი“ გამუდმებით რეფლექსირებს საკუთარ მონათხრობზე, მით უმეტეს, რომ საუბარია დღიურზე – ტექსტის რეფლექსურ და ავტორეფერენ-ტულ ტიპზე. იგი ასევე გამუდმებით რეფლექსირებს წერის პროცესზე და არაპირდა-პირი გზით არაერთხელ მიუთითებს საკუთარ ლიტერატურულ ნაშრომზე, საკუთარ დღიურზე ან მოგონებაზე. ავტორი ორიგინალთან დაშორების ორსაფეხურიან სის-ტემას არ სჯერდება და კიდევ ერთ საფეხურს ამატებს დისტანცირების შკალას: დღიურის ველებზე ვხვდებით უცნობი რედაქტორის მიერ გაკეთებულ კომენტა-რებს, რაც მკითხველს აფიქრებინებს, რომ ვიღაცამ დღიური (ნაწარმოები) იპოვა და ჩვენს ხელთ არსებულ ტექსტს რედაქტირება გაუკეთა. ამ გზით კასარესი ქმნის რეალობას, რომელიც მაქსიმალურად ირეალური ხდება. ირეალურ გარემოს კი დამაჯერებელ არგუმენტებსა და ხელშესახებობის მაღალ ხარისხს სძენს. ეს ტექნი-კა რომანში ფანტასტიკის უნიკალურ ეფექტს ქმნის და გასაკვირი არ არის, რომ ბორხესისგან ყველა გაგებით სრულყოფილი „ხელოვნური ქმნილების“ წოდებასაც იმსახურება.

კასარესის ეს სრულყოფილი რომანი პრინციპულად უპირისპირდება რეალობას და მის სანაცვლოდ წმინდა ინტელექტუალურ სპეკულაციებს გვთავაზობს (სწო-რედ ამიტომ უნიდებენ ბორხესი და კასარესი ამგვარ ტექსტებს მეტაფიზიკურსა და ფილოსოფიურს). ნარატიული სტრატეგია იგება ისე, რომ მკითხველი მთავარი გმირის ცნობიერების პროცესზე კონცენტრირდეს. ამისათვის გარე სიტუაციები და რეალური ინფორმაცია მინიმუმადეა შემცირებული. მკითხველმა ბევრი არაფერი იცის მთავარი გმირის შესახებ, რაც პირველივე გვერდებიდან ფანტასტიკურო-ბის ეფექტის მოზღვავებას იწვევს. სიუჟეტს მთელი რიგი ფაქტები აკლია, მაგალი-თად, მკითხველი ბოლომდე ვერ გებულობს, რატომ იმალება პერსონაჟი კუნძულ-ზე. კასარესის ამ ლიტერატურული ტექსტის მხატვრულ-პრაგმატული სტრატეგია რეალისტურ თხრობასთან კავშირის განყვეტას და მისი შინაგანი არტიკულაციით ჩანაცვლებას ეფუძნება.

პრაგმატული ტექსტის ნაკლებობასთან ერთად საგანგებოდაა გაბუნდოვანებუ-ლი არსებული რეალობაც. არარეალური გარემოსა და ერთგვარი ძილ-ბურანის გა-მოსახატად ავტორი ხშირად მიმართავს სიტყვებს „კოშმარი“, „ზმანება“. ნარატივში აქტიურადაა ჩართული მთავარი გმირის სიზმრები. ტრადიციული ფანტასტიკისა-გან განსხვავებით, სადაც სიზმარი საიდუმლოს ამოხსნას ემსახურება, კასარესთან სიზმრის აქცენტირება ტექსტუალური ხერხია მისითვის, რომ გამონაგონსა და რეალობის შორის დიფერენცირება შეუძლებელი გახდეს.

კლასიკური სიუჟეტური ქარგა, რომელიც მოვლენათა მიზეზედეგობრიობის წრფივ ხაზს მიჰყვება, კასარესთან აზროვნების პროცესს ემთხვევა და მოვლენ-ათა რიზომატული განვცრობითაა ჩანაცვლებული. არ არსებობს მოქმედების ღერ-ძი ან თავგადასავალი, რომელიც ნარსულს უკავშირდება, განმარტავს აწყმყოს ან

მიმართულია მომავლისკენ. ძირითად სიუჟეტურ სივრცეში მთავარი გმირის მო-საზრებები თანაბარი უფლებით თანაარსებობს და მეტატექსტუალურ სტატუსს ატარებს. ტექსტში ვაწყდებით მსგავსი შინაარსის ფრაზებს: „ახლა მოგიყვებით ყველაფერს ისე, როგორც სინამდვილეში იყო“, რადგან მთავარი გმირი დროდა-დრო აცნობიერებს, რომ მის მიერ გვერდების განმავლობაში აღწერილი მოვლენე-ბი დაშორებულია რეალურ ვითარებას. ვარაუდები არსებული სიტუაციის შესახებ გამუდმებით იცვლება. ამ ლიტერატურული ხერხის წყალობით ავტორი მკითხველს მუდმივ გაურკვევლობაში ამყოფებს და ახერხებს შექმნას დეტექტივისათვის დამა-ხასიათებელი მზარდი დაძაბულობა. რომანის ამ ღირსებას ბორჩესი საგანგებოდ აღნიშნავს წინასიტყვაობაში. მისი აზრით, დეტექტიური უანრი თავისი სიზუსტით, ფაბულითა და ავტორეფერენტულობით ეპოქის მონაპოვარია. ლათინოამერიკელი კლასიკოსის ამ შეფასებას მეოცე საუკუნის მეორე ნახევრის ავტორებიც იზიარე-ბენ. დეტექტიური სიუჟეტი პოსტმოდერნული ლიტერატურის უალტერნატივო არ-ჩევანი ხდება. ბიონი კასარესი და ბორჩესი თავადაც ქმნიან უანრულად განსხვავე-ბულ, ახალი ტიპის დეტექტიურ რომანს „დონ ისიდრო პაროდის ექვსი თავსატეხი“ (ბორჩესი, კასარესი: 2011), რომელშიც ერთმანეთს ერწყმის პაროდია და დეტექტი-ური რომანის უანრი.

ბუნდოვანი რეალობის ფონზე მძაფრად აღქმული საკუთარი ცნობიერების ნაკადები ზედმინევნით ამწუთიერ და ზუსტ თხრობად გარდაისახება. რომანი ყოველწამიერად იქმნება ჩვენ თვალწინ მთავარი გმირის აღქმებისაგან, რომელიც უფრო სემიოტიკური მედიუმია, ვიდრე პერსონაჟი კლასიკური გაგებით. ამ გზით კიდევ ერთი ლიტერატურული ეფექტი – უტყუარობა ხორციელდება, რომელიც რეალობის ჩამნაცვლებელი ხდება.

ცნობიერი პროცესისა და ყოფითი რეალობის ოპოზიცია რომანის განმავლობაში პირველის სასარგებლოდაა გადახრილი. მთხრობელის აღქმის მიღმა რეალობა ფაქტიურად არ იკითხება. სწორედ ამიტომ ნაწარმოების ფინალში მოულოდნელად გაჩენილი რეალური ცხოვრებისეული მოგონებები თვალისმომჭრელი სიცხადით იჭრება ნაწარმოებში. ნიმანდობლივია ისიც, რომ ამ დროს გმირი იმყოფება სიცოცხლისა და სიკვიდილის გზასაყარზე, როცა ნამდვილი ლირებულებები გან-საკუთრებულ მნიშვნელობას იძენს. ნოსტალგიური განწყობა კი, რომლითაც გმი-რი მეუღლესა და ნარსულის ეპიზოდებს იხსენებს, არა რამე რომანტიკულის, მშვენიერის, არამედ სწორედ უხეში რეალობის მიმართ არის გამოხატული: „...და აი, ჩვენი ლიტერატურული წრის წევრები ლამის დაშლილი ათი ნომერი ღია ტრამ-ვაით გულანთებულნი პანთეონიდან კაფე ტარპეასკენ მივეშურებით. შენ ხარ მა-ნიოკის პური, დიდი და მრგვალი, როგორც ფარი; დატბორილი დაბლობები, რო-მელზეც ადიდებულ წყალს ხარები, ცხენები და ვეფხვები მოაქვს; და შენ, ელისა, ინდიელების სამრეცხაოში, ყოველ წუთს ასე რომ ემსგავსები ფაუსტინას. შენ მათ ჩემი კოლუმბიაში გადაყვანა სთხოვე და ჩვენ მთებში ვიკვლედით გზას. ინდიელებ-მა ცხელი, ხაონი ფოთლებით დამიფარეს სხეული, ყინვისგან რომ არ მოვმკვდარი-ყავი. სანამ ფაუსტინას ვუცქერ, შენ არ დამავიწყდები. მე სულელს კი მეგონა, რომ არ მიყვარდი! თვალწინ მიდგას 5 ივლისის დამოუკიდებლობის დღის დეკლარაცია,

კაპიტოლიუმის ელიფსურ დარბაზში მბრძანებლური ტონით რომ გვიკითხავდა ვალენტინ გომესი, ჩვენ კი ამ დროს, ორდუნიოს მეთაურობით, პროტესტის ნიშნად ქება-დიდებას ვასხამდით ტიტო სალასის ნახატს „გენერალი ბოლივარი კოლუმბიის საზღვარს კვეთს“. ვალიარებ, რომ ისევე, როგორც მაშინ, როცა, ორკესტრმა დაკვრა დაიწყო („დიდება ხალხს / ბორკილთა მსხვრევას / დიდება კანონს და ჩვენს ღირსებას“), ჩვენ ვერ შევძელით პატრიოტული გრძნობების მოთოვა, მათი ჩახშობა არც ახლა გამომდის“.

ფინალური ეპიზოდი ნათელს ჰანტერის მნიშვნელოვანი რეალობისა და მეორადი რეალობის შესახებ. საკუთარ სამყაროში ჩაკეტილი ფანტასმაგორიული გამოცდილება რამდენიმე ფრაზით უფერულდება და უკვალოდ ქრება რეალური მოგონებების ფონზე. ცხადი ხდება, რომ გმირის არჩევანი, იყოს ვირტუალური სამყაროს ნაწილი, იძულებითია და გამოუვალობითაა ნაკარნახევი. ამ ფონზე რეალობა განსაკუთრებით მკაფიოდ მოჩანს, მასთან კონტაქტი კი საშინალად მტკიცნეულია.

რეალობა-ვირტუალობის პრიზმით გარდატყვდება სიყვარულის თემაც. ფილოსოფიური თემატიკის პარალეურად, ბიონი კასარესს ნაწარმოებში ქალის სიყვარულის მოტივი შემოაქვს, როგორც ორი ცენტრალური იდეის – მარადიულობისა და შემოქმედების – ადამიანურ შეგრძნებებთან დამაკავშირებელი რგოლი. ამ თემის ირგვლივ იყრის თავს მთავარი პერსონაჟის გრძნობები: შიში, ტანჯვა, მარტობა. ამ გზით ნაწარმოები ემოციურად უახლოვდება მეოთხველს და არ რჩება განყენებულ იდეათა სფეროში. ფაუსტინას ავტორი სპეციფიკური ნიშნებით ახასიათებს. მისი მშვენიერება მიუწვდომელია, შეუვალი და განყენებული. ქალის გარეგნობა და მისი სახელი საყურადღებო სემიოტიკურ ნიშნებს აერთიანებს: ეშხიან, შავგვრემან ქალს ეგზოტიკური გარეგნობითა და ჩაცმულობით, მთავარი გმირი ბოშას ამსგავსებს. მეორე მხრივ, სახელი ფაუსტინა ფაუსტზე მიგვანიშნებს. ამ ნიშანთა ერთიანობით ცდუნების სემანტიკა იქმნება. ცდუნება, როგორც პოსტმოდერნული კონცეპტი, ბოლორიართან თამამედროვე ეპოქის განმსაზღვრელი ნიშანია. ეს ის რბილი ძალაა, რომელიც კონტროლსა და ძალაუფლებას ჩაანაცვლებს. მისი ჩრდილი ეფინება დაშრეტილ სოციალურ ურთიერთობებს (ბოლორიარი 2000: 301). ცდუნების ბოლორიარისეული გაგება ძალიან ჰავას ფაუსტინას ხიბლს, როგორც არა რეალობიდან ამოზრდილ შთანმთქმელ ძალას, არამედ თამაშში ჩამორევს. ცდუნება უპირისპირდება სასრულობისა და ლინეარული მიზეზ-შედეგობრიობის იდეას, ანაცვლებს მას დეცენტრაციით და როგორც ვირტუალურ-გარდამავალი სტრუქტურა, პრეტენზიას აცხადებს მუდმივობაზე. ფაუსტინას სახე, რომელიც მუდმივად სხლტება, მუდმივად შორეულდება და ახლოვდება, ცდუნებისა და ხიბლის ამ დინამიკით საბოლოოდ მარადიულ განზომილებაში გადადის და მკვიდრდება.

ფაუსტინა სიყვარულის ობიექტი და შთაგონების წყაროა, თუმცა, საბოლოოდ, ვერც მორელი და ვერც სიკვდილმისჯაილი ვერ ახერხებენ შეაღწიონ მის სამყაროში ან საპასუხო ემოცია მიიღონ მისგან. მორელი აღნიშნავს კიდეც: „უფრო იოლია შექმნა ცა, ვიდრე თავი შეაყვარო ქალს. მორელმა იცის, რომ სიცოცხლის შექმნა (ისევე, როგორც სიყვარულის გამოწვევა) შეუძლებელია, მხოლოდ მისი ფაბრიკაცია და სიმულაციაა შესაძლებელი. ეს ფრაზა ორმაგ მნიშვნელობას შეი-

ცავს: ერთი მხრივ, მიგვანიშნებს ჩაკეტილ სისტემაზე, სადაც შეღწლებელია. ფაუსტინას უემოციობა, მისი გამუდმებული უარი საპასუხო გრძნობებზე ვირტუალური სამყაროს ჩაკეტილობის მეტაფორა ხდება. მეორე მხრივ კი, ამ ფრაზით ავტორი მიგვანიშნებს კიდევ ერთ განსხვავებაზე ხელქმნილ სამყაროსა და რეალობას შორის: რეალობა არ ემორჩილება ადამიანის ნება-სურვილს, მისი პასუხის განჭვრეტა შეუძლებელია, იგი ამოუცნობია და საფრთხის შემცველი. ქმნილება კი (ახალი ობიექტი/სამყარო) დაგეგმილი ინტელექტუალური მუშაობის შედეგია, რაც იმასაც ნიშნავს, რომ მას ადამიანისთვის სასურველი ფორმის მიღება შეუძლია და მისი მოთხოვნების შესაბამისად ადაპტირდება. ეს ოპოზიცია ზემოთმოყვანილ ფინალურ ფრაგმენტშიც იჩენს თავს: გმირის ცხოვრებისეული მოვლენების მოულოდნელი, დისკომფორტული არსი არაფრით ჰგავს წინასწარ კარგად მოფიქრებულ, შემოქმედის სურვილის შესატყვისად აგებულ კუნძულის ვირტუალურ რეალობას. ეს პრობლემა თვალსაჩინო ხდება თანამედროვე ტექნოლოგიური პროგრესის ფონზეც. პოსტმოდერნისტი ფილოსოფობისი, „თხევადი რეალობის“ თეორიის ავტორი ზიგმუნდ ბაუმანი ვირტუალურ სამყაროს – ინტერნეტს და სიყვარულს – ოპოზიციურ რეჟიმში აყენებს, რადგან ვირტუალური სამყარო ადამიანის კომფორტულ სივრცულ არსებობას უწყობს ხელს. მასში მცირედი დისკომფორტიც კი მოგვარებადია კარგად მოფიქრებული ტექნიკური ფუნქციების მეშვეობით. სიყვარული – თანამედროვე ნარცისიზმის ანტიდოტი, გვაიძულებს გავრისკოთ, პირისპირ შევხვდეთ საკუთარ უსუსურებასა და ტკივილს. ბაუმანს მიაჩინა, რომ სიმულაცია იოლი გზაა ფსევდო სულიერი სიმშვიდის მოსაპოვებლად.

უპასუხო გრძნობებით გამოწვეულ მორელის სასოწარკვეთას მოგვაგონებს მთავარი გმირის უკანასკნელი სიტყვები: „მას კი, ვინც ამ დღიურის მიხედვით ახალ მოწყობილობას შექმნის და დაშორებულ სულებს ერთმანეთთან შეაერთებს, ვემუდარები: მოვცებენ მე და ფაუსტინა, დამეხმარე, როგორმე შევაღწიო ფაუსტინას ცნობიერების ცაში. ეს კეთილშობილური საქციელი იქნება“. სიკვდილის წინ მთავარი გმირი იძულებულია, კიდევ ერთხელ გაუსწოროს თვალი იმას, რომ ხელოვნურად აშენებული სამყარო ილუზორული, ყალბი და უსიცოცხლოა. მოჩვენებთი და შეუძლებელია მისი სიყვარულიც: „ჯერ კიდევ ვხედავ ჩემს გამოსახულებას ფაუსტინასთან ერთად და ვივიწყებ, რომ ეს მხოლოდ ფანტომია. გაუთვითცნობიერებელი მაყურებელი დაიჯერებს, რომ მათ ერთმანეთი უყვართ და სამუდამოდ დაკავშირებული არიან ერთმანეთთან“. ფაუსტინა, რომელიც მორელის გამოგონილი სამყაროს მიმზიდველობას განაპირობებს და მთლიანად იპყრობს პერსონაჟის ცნობიერებას, ფინალურ ეპიზოდში რეალური მოგონებების ფონზე კარგავს მომნუსხველ ძალას და სულ უფრო და უფრო ემსგავსება აკვიატებას. რომანის ბოლოს მკითხველისთვის სრულიად მოულოდნელია ფრაზა რეალური ცოლის შესახებ: „მე სულელს კი მეგონა, რომ არ მიყვარდი“... ამ აღიარებით თავდაყირა დგება დღიურის გვერდებზე არაერთგზის აღწერილი სასიყვარულო ვნებები ფაუსტინას მიმართ.

თუკი ფინალს ისტორიის რეტროსპექტიულ ჭრილში განვიხილავთ, კულმინაციურ ხარისხში აყვანილი სასოწარკვეთა, მარტობა და გამოუვალობის განცდა

ტექნოლოგიური ეპოქის ადამიანის განაჩენადაც შეიძლება ამოვიკითხოთ. იზოლაციისთვის განწირული, საკუთარ ცნობიერებაში ჩაკეტილი და სოციუმს მოწყვეტილი ადამიანი რეალობიდან თავის დაღწევას სიმულირებულ რეალობაში გადასახლებით ცდილობს იმ იმედით, რომ იგი ოდესმე სიცოცხლეს შეიძენს და ჩანაცვლებს მტკივნეულ სინამდვილეს. კასარესის მოდელით, მეორად სამყაროში ადამიანი კარგავს სულს და ობიექტად იქცევა. მთხოობელი ერთგან შენიშნავს: „ნელნელა ვეჩვევი ფაუსტინას უემოციოდ ვუცექირ, როგორც უბრალო საგანს“. რეალური „მეს“ ასლად ქცევა, რეალობის გაცვლა სიმულაციაზე სიცოცხლის უარყოფაა, რაც, ბუნებრივია, სიკვდილით უნდა დამთავრდეს. ამიტომაა კუნძული უკაცრიელი, რომანის ყველა მოქმედი გმირი საბოლოოდ კვდება. როგორც მაკ ადამი აღნიშნავს, „ბიო კასარესი ქმნის მეტაფორათა სერიებს იმისთვის, რომ აღნეროს ადამიანის გარდასახვა ხელოვანად, ბოლოს კი ხელოვანის გარდასახვა ხელოვნებად(...). ეს არის ზემო კაცისა, რომელმაც მოიპოვა უკვდავება, ირონიული უკვდავება ხელოვნებისა, რომელიც სანაცვლოდ ადამიანის სიცოცხლეს ითხოვს (ადამი ... 1975: 312).

დამოცვებანი:

ადამი ...1975: Adam, M., Alfred, J. *Narrativa y metáfora: Una lectura de „La invención de Morel“ Otros mundos otros fuegos: Fantasía y realismo mágico en Iberoamérica. Memoria del XVI Congreso Internacional de Literatura Iberoamericana*. East Lansing: PU Michigan State University, 1975.

ბიო კასარესი 1996: Biyo Casares, A. *Antología de la literatura fantástica*. Barcelona: Edhsa, 1996.

ბოდრიარი 1981: Бодрийяр, Ж. *Симулякры и симуляции*. Москва: Постум, 2018.

ბოდრიარი 2000: Бодрийяр, Ж. *Соблазн*. Москва: Ad. Marginem, 2000.

ბორხესი 1985: Borges, J.L. *Literatura fantástica*. Madrid: Ediciones Siruela, 1985.

ბორხესი ... 2018: ბორხესი ხ.ლ., ბიო კასარესი ა. ექვსი თავსატეხი დონ ისიდრო პაროდისთვის; ორი დაუვინარი ფანტაზია; მოდელი მკვლელობისათვის. თბილისი: გამომცემლობა „ალეფი“, 2018.

ლოტმანი 1970: Лотман, Ю. *Структура художественного текста*. Москва: Искусство, 1970.

Ketevan Jishiashvili

(Georgia, Tbilisi)

Change of Paradigm and new Fantastic Fiction ("Invention of Morel" by Adolfo Bioy Casares)

Summary

Key words: Fantastic fiction, postmodernism, reality, inner articulation.

Famous novel „Invention of Morel” by Adolfo Bioy Casares published in 1940 marked new tendencies for fantastic fiction and drafted new agenda for further development of the genre in the second part of 20-th century.

The novelty of the „Invention of Morel”, as Jorge Luis Borges mentions in the prologue of the book, consists in overpassing traditional mimetic representation of reality proposing intellectual speculations in its place. Narrative strategy is based on limiting references with reality and substituting it with inner articulation. Classic plot is replaced by rhizomic dynamics of thinking process. Reader can witness himself how the plot is constantly being created from perceptions of main character.

New cultural paradigm and technological shift required overthinking of time-space concept. Metaphysical ideas inspired by changing reality of the epoch becomes the subject of philosophical rationalization. Exceptional attention is given to relation of original to its copy.

Activation of postmodern concept of mirror is a sign of the death of mimetic literature and birth of intertextuality. However, tool of intertextuality is widely characteristic for the novel.

Together with philosophical themes author approaches a motif of love. The concept of love is analyzed in the prism of real-virtual opposition. Emotions of main hero – fear, suffering, loneliness are assembled around love theme, this way the main character becomes emotionally closer to the reader and is not left solely in the world of ideas.